

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" broj 49/06) i člana 39. Statuta Općine Čelić ("Službeni glasnik općine Čelić " broj 03/17), Odluke o izvršenju budžeta općine Čelić za 2026. godinu broj: 01-11-3446/25 od 29.12.2025 („Službeni glasnik općine Čelić“ broj: 10/2025), Općinski načelnik dana 30.01.2026. godine donosi :

ODLUKU

o uslovima, načinu, kriterijima i iznosu sredstava za dodjelu jednokratne novčane pomoći licima u slučaju teške bolesti, licima i domaćinstvima u teškoj materijalnoj i finansijskoj situaciji i nabavku školskog pribora socijalno ugroženim kategorijama sa područja Općine Čelić

OPĆE ODREDBE

Član 1.

Ovom Odlukom utvrđuju se uslovi, način, kriteriji i iznos sredstava za dodjelu jednokratne novčane pomoći licima za slučaj teške bolesti, i licima i domaćinstvima u teškoj materijalnoj i finansijskoj situaciji i nabavku školskog pribora socijalno ugroženim kategorijama sa područja općine Čelić i povratnicima u MZ Koraj.

Član 2.

Sredstva za dodjelu jednokratne novčane pomoći utvrđuju se u Budžetu Općine Čelić za svaku kalendarsku godinu, koji će se isplaćivati sa sljedećih stavki u Budžetu:

- 614239-Ostali transferi pojedincima-jednokratne socijalne pomoći
- 614239- Transfer pojedincima za liječenje teško oboljelih
- 614239- Subvencija za nabavku školskog pribora socijalno ugroženim kategorijama

Član 3.

Jednokratna novčana pomoć može se dodijeliti:

- a) za plaćanje dijela troškova u liječenju oboljelih lica uz dokaz o troškovima liječenja,
- b) za plaćanje dijela troškova u podmirivanju bolničkih troškova uz dokaz o troškovima,
- c) za plaćanje dijela troškova u nabavci lijekova uz dokaz o troškovima,
- d) za prevazilaženje izuzetno teške materijalne situacije u smislu neophodnosti novčanih sredstava za egzistencijalne životne potrebe i
- e) za nabavku školskog pribora socijalno ugroženim kategorijama.

USLOVI I KRITERIJI

Član 4.

Jednokratnu novčanu pomoć u skladu sa ovom Odlukom mogu ostvariti :

- a) Lica ili domaćinstva, stanovnici Općine Čelić i povratnici u MZ Koraj čiji ukupni prihodi po članu domaćinstva ne prelaze 200 KM u posljednja tri mjeseca prije podnošenja zahtjeva;
- b) Lica sa teškim oboljenjima odnosno članovi njihovog domaćinstva, stanovnici Općine Čelić i povratnici u MZ Koraj, uz dokaz o troškovima liječenja, odnosno troškovima nabavke lijekova.

Pod teškim oboljenjem, u smislu ove Odluke, podrazumijevaju se bolesti koje zbog svoje prirode, toka i prognoze zahtijevaju kontinuirano praćenje, višekratno bolničko liječenje u jednoj godini, skupu dijagnostiku, upotrebu medicinskih pomagala i medicamentozni tretman skupim lijekovima, a koji nisu na listi esencijalnih lijekova, kao i bolesti koje pored intenzivnog liječenja dovode do trajnog oštećenja organizma i koje su uzrok dugotrajnog bolovanja odnosno smanjene radne sposobnosti oboljelog.

Pod teškim oboljenjem, a koje se dokazuje dijagnozom utvrđenom od strane ovlaštene zdravstvene ustanove podrazumijeva se između ostalog i respiratorne bolesti, bolesti koštano-mišićnog sistema i vezivnog tkiva, neuromišićne bolesti, specifična stanja koja zahtijevaju skupi i doživotni tretman (transplantacije organa, koštane srži, infarkt srčani i moždani maligni tumori i dr.)

Član 5.

Prihod u skladu sa ovom Odlukom smatra se prihod koji ostvaruju svi članovi domaćinstva, podnosioca zahtjeva po osnovu:

- a) plaća i drugih primanja iz radnog odnosa,
- b) starosne, invalidske i porodične penzije,
- c) primanja po propisima boračko-invalidske zaštite i zaštite civilnih žrtava rata,
- d) prihodi po osnovu privrednih, uslužnih i drugih djelatnosti i dopunskog rada.

Član 6.

Pravo na jednokratnu novčanu pomoć, u smislu ove Odluke ne mogu ostvariti:

- a) lica koja imaju članove porodice koji su po sili Zakona obavezni izdržavati ih i imaju prihode veće od prihoda propisanih u članu 4. ove Odluke,
- b) lica ili članovi domaćinstva koja su navedeno pravo na pomoć ostvarila putem drugog organa,
- c) lica ili domaćinstva čiji je član vlasnik preduzeća ili samostalne radnje ili ima registrovanu dopunsku djelatnost.

Član 7.

Članovi porodičnog domaćinstva u smislu ove Odluke su: bračni i izvan bračni drug, djeca rođena u braku ili izvan braka, usvojena djeca i pastorčad, roditelji i usvojitelji, očuh i maćeha, unučad bez roditelja, te braća i sestre pod uslovom da sa podnosiocem zahtjeva žive u zajedničkom domaćinstvu.

ZAVRŠNE ODREDBE

Član 8.

Postupak za ostvarivanje prava na jednokratnu novčanu pomoć, pokreće se na Zahtjev stranke. Uz zahtjev stranka prilaže sljedeću dokumentaciju, i to:

1) Jednokratna novčana pomoć za prevazilaženje izuzetno teške materijalne situacije u smislu neophodnosti novčanih sredstava za egzistencijalne životne potrebe:

- a) Uvjerenje o prebivalištu,
- b) Uvjerenje o zajedničkom domaćinstvu – kućna lista
- c) Uvjerenje od Zavoda za zapošljavanje za sve punoljetne članove da se nalaze na evidenciji Zavoda (ovdje se izuzimaju lica starosti preko 65 godina života), a ukoliko se ne nalaze na evidenciji Zavoda uvjerenje iz porezne uprave

- d) Dokaz o zaposlenju svih članova domaćinstva o visini stalnih izvora prihoda (tri posljednje platne liste ili ček od PIO)
- e) Uvjerenje iz porezne uprave da lice ili punoljetni član domaćinstva ne ostvaruje dodatne prihode
- f) Uvjerenje od Centra za socijalni rad o visini redovnih prihoda ostvarenih putem ove ustanove i visina ostvarenih jednokratnih pomoći u prethodnih godinu dana
- g) Uvjerenje nadležne službe za BIZ o visini primanja i visini ostvarene jednokratne novčane pomoći u prethodnih godinu dana
- h) Uvjerenje o redovnom školovanju
- i) Kopija žiro računa
- j) Saglasnost za obradu ličnih podataka

2) Jednokratna novčana pomoć za troškove liječenja:

- a) Uvjerenje o prebivalištu,
- b) Uvjerenje o zajedničkom domaćinstvu – kućna lista
- c) Medicinska dokumentacija
- d) Kopija žiro računa
- e) Račun za troškove liječenja, odnosno troškove nabavke lijekova
- f) Saglasnost za obradu ličnih podataka

3) Jednokratna novčana pomoć za nabavku školskog pribora:

- a) Uvjerenje o prebivalištu,
- b) Uvjerenje o zajedničkom domaćinstvu-kućna lista
- c) Uvjerenje od Zavoda za zapošljavanje za sve punoljetne članove da se nalaze na evidenciji Zavoda, a ukoliko se ne nalaze na evidenciji Zavoda uvjerenje iz porezne uprave
- d) Dokaz uposlenih svih članova domaćinstva o visini stalnih izvora prihoda (tri posljednje platne liste ili ček od PIO)
- e) Uvjerenje iz porezne uprave da lice ili punoljetni član domaćinstva ne ostvaruje dodatne prihode
- f) Uvjerenje od Centra za socijalni rad o visini redovnih prihoda ostvarenih putem ove ustanove i visina ostvarenih jednokratnih pomoći u prethodnih godinu dana
- g) Uvjerenje nadležne službe za BIZ o visini primanja i visini ostvarene jednokratne novčane pomoći u prethodnih godinu dana
- h) Potvrda o školovanju
- i) Kopija tekućeg računa
- j) Saglasnost za obradu ličnih podataka

Dokumentacija se prilaže u originalu ili ovjerenj fotografiji.

Komisija iz člana 12. ove Odluke zadržava pravo da po službenoj dužnosti izvrši provjeru tačnosti podataka navedenih u zahtjevu za dodjelu jednokratne novčane pomoći, kod nadležnih institucija.

Sastavni dio ove Odluke su: Obrazac 1, Obrazac 2 i Obrazac 3 zahtjeva za dodjelu jednokratne novčane pomoći.

Član 9.

O rješavanju pojedinačnih zahtjeva, u skladu sa uslovima, načinu i kriterijima utvrđenim ovom Odlukom, odlučuje Općinski načelnik na prijedlog Komisije. Komisiju u sastavu od tri člana imenuje Općinski načelnik. Zahtjeve za dodjelu jednokratne novčane pomoći Komisija će razmatrati po potrebi, a najmanje jednom mjesečno.

Član 10.

Visina jednokratne novčane pomoći licima iz člana 4. stav 1) tačka a) ove Odluke ne može biti manja od 20,00 KM niti veća od 400,00 KM, a visinu pomoći pojedinačno će predlagati Komisija, u zavisnosti od troškova i materijalnih prilika u svakom konkretnom slučaju, s tim da ukupan iznos jednokratne novčane pomoći za isto lice u toku jedne kalendarske godine ne prelazi iznos od 800,00 KM.

Novčana pomoć licima koja ispunjavaju uslove po ovoj Odluci može se dodijeliti dva puta u toku jedne kalendarske godine.

Novčana pomoć licima iz člana 4. stav 1) tačka b) ove Odluke može se dodijeliti u iznosu većem od iznosa navedenog u stavu 1) ovog člana, s tim da ukupan iznos jednokratne novčane pomoći za isto lice u toku jedne kalendarske godine ne prelazi iznos od 2.000,00 KM.

Član 11.

U izuzetnim slučajevima, kada Komisija ocijeni da je neophodno, može predložiti Općinskom načelniku veći iznos novčane pomoći od visine utvrđene u članu 10. ove Odluke.

Član 12.

Na osnovu prijedloga Komisije Općinski načelnik donosi, Odluku o odobravanju i visini jednokratne novčane pomoći, odnosno Odluku o odbijanju zahtjeva. Na Odluku nezadovoljna stranka ima pravo žalbe Općinskom načelniku u roku od 8 dana od dana prijema Rješenja.

Član 13.

Raspodjela sredstava po ovoj Odluci vrši se shodno raspoloživim budžetskim sredstvima. U postupku ostvarivanja prava na novčanu po ovoj Odluci, Općina Čelić, kao kontrolor u smislu odredbi Zakona o zaštiti ličnih podataka Bosne i Hercegovine, vrši obradu ličnih podataka neophodnih za utvrđivanje identiteta podnosioca zahtjeva za stambeno zbrinjavanje, uključujući jedinstveni matični broj građana.

Član 14.

Ova Odluka stupa na snagu danom donošenja. Stupanjem na snagu prestaje da važi Odluka broj 02-11-11/24 od 05.01.2024.godine

Bosna i Hercegovina
Federacija Bosne i Hercegovine
Tuzlanski kanton
Općina Čelić
Općinski Načelnik
Broj: 02-11-307/26
Čelić, 30.01.2026. godine

